

四庫全書

子部

欽定四庫全書

虎鈴經卷十八

宋 許洞 撰

天第一百七十七

地第一百七十八

虹蜺第一百七十九

雷霆第一百八十

戰候第一百八十一

雜占第一百八十二

占風統論第一百八十三

五音占風第一百八十四

刑殺占風第一百八十五

十二位占風第一百八十六

占逆風第一百八十七

風雨雜占第一百八十八

八節占風第一百八十九

天第一百七十七

天裂

一作制

于敵上者敵人自亂之兆也天色如血兵戰

之兆也天雨甘露所雨之地兵大勝也雨雖在敵敵敗
也在我軍避之天雨魚鼈在敵敵敗也在我亦當避之

天雨血在敵急擊之可勝也在我避之或在我彼兩界者將大血戰吏士俱傷天雨絮及粟在敵敵凶在我避之天雨海島毛大亂之兆也天雨毛所雨之地大將信任邪謀也若煙非煙慶雲也雲開有德若星非星歸邪也歸邪有人若霧非霧泣軍也泣軍多殺將若雷非雷天鼓也天鼓多敗軍不雲而雨天泣也天泣多覆國凡天下之事變異於人者急慎之

地第一百七十八

地裂者兵戈之兆也營中地生錢者下謀叛也急備之營中地上生毛者吏士多亡敵嚴令防之軍在野營地震者有灾星到也營地生五谷者將士有喜慶大將有封邑營中地色忽變黃者大慶之兆也營中地忽折裂有軍敗將死也急移營避之地忽陷者主將破滅之兆也營中地忽生血者賊來急速避之城中與營內山忽有夜崩者吏士欲分散移營避之屯兵之城山春崩者敵來伐城山夏崩者有大水至山秋崩者有暴兵至山

冬崩者軍民飢結營之地吼如雷者敵來急速備之流水無故絕者設伏兵至水忽赤如血者軍士欲自亂急備之

虹蜺第一百七十九

攻敵人之城有虹蜺屈曲從外入者三日內城屠五色虹蜺飲軍井者大凶移營避之虹蜺垂營中者亦敗兆也五色虹蜺繞城城中將亂急攻之白虹見於軍上者軍敗流血白虹貫中師不可出白虹繞城而不匝者從

不匝處攻之必拔矣繞城而匝者即俟從漸錯處攻之
赤虹從天直垂地者所垂之地敵兵至十一月屈虹出
破軍敗將天有白虹如霧者營中防姦賊及兵將反黑
虹所見之地大水到其處利於高處置營赤虹半隱雲
上有火災亦當敗黃虹在營上吏士多驚撓青虹亦如
之不為灾

雷霆第一百八十

營中雷折木者大將凶利修軍政春三月內甲子乙丑

戊寅辛卯戊午有雷及霹靂下石殺人者軍在野營將
有大戰一月內應之雷一聲而止者將軍有重令行將
戰之時雷聲自我陣後起漸漸入敵者必勝也隨其聲
而擊之吉從敵震迅而來者凶也急抽兵避之天陰不
雨雷霆在我軍上隨而擊之者大勝也合戰之時大雷
一聲而止先動者勝渾渾圓圓長者從來處吉聲四起東
西南北不定者軍有大血戰兩軍傷大雷疾速自我入
敵者勝也自敵來凶霹靂當牙帳急搜檢

一作驗

之營中

有姦人為賊應亦慮暴兵至或夜半無雲而雨者吏士
不從軍令也火急施恩布惠

一作講我以禳其禍

戰候第一百八十一

交戰之時五色采旗掣拽不動者大勝候也敵強力戰
慎不可追之臨戰之時輦鼓之音鳴于常者勝候也角
聲清激者勝候也風不起而旌旗悠揚前指敵陣者勝
候也馬驕嘶而喜躍欲進者勝候也牙帳無故倒折者
敗候也輦鼓之音重濁不上徹者敗候也角聲洪濁不

清潔者敗候也焦而四亂者敗候也橫而不圓者內亂將發旌旗撩亂不整者敗候也馬亦多驚嘶退縮者敗候也臨陣之際勝敗之候能詳審者善矣

雜占第一百八十二

結營之地天火焚其林墅者賊兵疾到火無故自發焚其帳幕者有大水到溪澗中水忽出主有陰賊到其地凶移營避之或出軍之時或將戰之際有兔及麋鹿之類走過者忽殺之勝兆也營中黃龍見者大勝也營中

山池沼溪澗忽自然自外而入者士卒凌主將龍鬬營中及左右者賊大至亦防大水羣虵集營前道上者有急兵至營中竹樹忽然生血者大將有重憂營中不雨而樹濕者賊兵起營中忽得五色魚者勿殺之殺則大水立至不然暴兵到有魚上下于樹者水亦至急移營高處避之鷄有重距重翼飛來營內者勝兆也殺則大凶兩軍相當遙見敵上有龍者不出一月敵當大敗大尿溺營前大道者移營避之有穴至營中馬忽驚嘶者

即起卒兵立具兵器備之恐賊潛到馬前營生角者多
殺傷馬毛無故而赤主將灾也將帥之馬夜無故嘶者
其主出城忽出水者賊兵相侵鼠噬一作齧甲冑及兵器
者損吏士也鼠羣行即有大水鼠頻出軍中防叛逆虎
狼入營者賊兵至傷人大出

占風統論第一百八十三

凡灾風之来多有殺氣克日濁塵飛埃蓬勃四起也凡
祥風之来多與佳氣併而日色清朗天氣涼索令鳴條

去地少高不動塵而過也

五音占風第一百八十四

宮風聲如雷吼空中

一作風

商風聲如驅羣羊徵風聲如

奔馬羽風聲如擊濕鼓角風聲如千人子午為宮丑未

寅申為徵卯酉為羽辰戌為商巳亥為角宮風發屋折

木米貴來年兵起徵風發屋折木四方有急羽風發屋

折木米貴

一作情塲

商風發屋折木主兵角風發屋折木急

鬪戰

刑殺占風第一百八十五

歲月日時干陽德自處陰德在干合歲月日時子刑卯

卯刑子丑刑戌戌刑未未刑丑丑刑巳巳刑寅一作辰

午酉亥各自相刑子丑寅巳申為上刑卯寅巳為下刑

大風從三刑上來官軍克大寒大克小寒小克風從刑
下來禍從刑上來福從三刑為上從自刑為下

十二位占風第一百八十六

申子為貪狼主欺給不信巳賊遇盜賊主攻劫巳酉為

寬大主福祿賞賜衆宴酒食主貴人君子亥卯為陰賊
主戰鬪殺傷謀反大逆殺人之事寅午為廉宜

一作貞

主

賓客禮樂嫁娶圖儀誠信丑戌為公正執仇怨主兵辰
未為奸邪主欺慢人貪狼之日風從寬大來仍以貪狼
參說吉凶他皆倣此有殺氣從三刑上來或五墓上來
有伏兵不戰必克

逆風第一百八十七

蓬勃四起或自上來觸地此逆風也暴兵至寅時發主

人逆辰時發客逆午時發親戚逆申時左右逆黃昏發
外賊逆宮日風從角上來卒急有兵圍至月中折木者
城陷羽日風喧喧日無光深霧兵圍城客克商日風從
四季上來關梁不通路色陰賊日風從陰賊上來大寒
日一作賊日相殺

風雨雜占第一百八十八

攻城圍邑經旬不雷雨者城中有備疾去之出征之日
細雨沐兵捷之徵也若大風雷雨不見日辰午戌亥自

刑之日兵家大忌也臨戎之際忽來陰氣旁勃牙扛折陰不見日旌旗抑揚此敗徵也慢風與氣從敵所俱來我勝急擊之反是則凶旌旗暈暈一作暈順風搖曳舉向

賊者即擊之勝也大將牙旗之日風勢順動旌旗前指輦鼓之音清亮此勝兆也持此可以勝安定三軍之心風施塵如穗如蛇形屈屈來樣者凶急備之風來卑而掃地者敵兵至速高則來緩營中大風折木者大將失位風無常而無定者賊即至合戰之際大風晝昏揚塵

衝敵大勝反是凶兵初至所伐之城天色陰翳又無風而細雨淫濛者軍將敗若初臨敵而大雷雨隱而至者大勝之兆也有旋風入營折絕旗幟干戈次壞帳幙必有盜賊入營將死

八節占風第一百八十九

候風之次

一作發

常于其節寅時候之立春之日位應艮

宮本宮綽綽然和風徐徐而至者此之謂條風也風自人門起者軍民不利也春分之日位應震宮本宮風來

抑之非低颺之非高習然得風者此之謂明庶風也明庶風應候軍民寧泰之兆也風自金門起者軍民不利也立夏之日位應巽宮本宮風至陶陶然圓緩而不散亂者此之謂清明風也清明風應候軍民寧泰之兆也風自天門起者軍民不利也夏至之日位應離宮本宮風薰然融和而普者此之謂景風也景風應候軍民寧泰之兆也風自水門起者軍民不利也立秋之日位應坤宮本宮風來暢而愉

一作愉

者此之謂涼風也涼風應

候軍民寧泰之兆也風自鬼門起一作來者軍民不利也

秋分之日位應兌宮本宮風來肅然者此之謂閭闔風也閭闔風應候軍民寧泰之兆也風自木門而起者軍民不利也立冬之日位應乾宮本宮風潔清瑩爽而至者此之謂不周風也不周風應候軍民寧泰之兆也風自土門起者軍民不利也冬至之日位應坎宮本宮風來淒涼不怒者此之謂廣漠風也廣漠風應候軍民寧泰之兆也風自火門起者軍民不利也風之來也順者

為祥逆者為妖皆由人志正邪然後通天地鬼神之心
也是以八節之首日而占之可以知其吉凶矣行師者
能以順正之道應乎天欲風之不祥也其可得乎

虎鈴經卷十八

欽定四庫全書

虎鈴經卷十九

宋許洞撰

時加占烏情第一百九十

運加占烏情第一百九十一

雜占烏情第一百九十二

時加占烏情第一百九十三

六甲占烏情第一百九十四

時加占烏情第一百九十

巳酉為寬大之日時加巳酉烏鳴其上直王相吉為長
吏休廢囚死有酒食時加寅午鳴其上有酒食辭讓時
加丑戌鳴其上有酒食詞訟口舌時加卯亥鳴其上有
酒食時加辰未鳴其上有酒食婦人口舌時加申子鳴
其上有酒食寅午為廉貞日時加廉貞烏鳴其上王相
有長吏休廢囚死有諫諍責讓一作釀時加巳酉鳴其上
有遠客時加申子鳴其上有爭財物事時加辰未鳴其
上有陰私口舌時加丑戌鳴其上有酒食時加亥卯鳴

其上以酒食起爭丑戌為公正日時加公正鳥鳴其上

王相有長吏公正之事休廢囚死者有來慰問事時加

巳酉鳴其上有公正酒食賜與時加寅午鳴其上有公

正慶賀事時加辰未鳴其上有使一作吏士來說陰私事

時加申子鳴其上有吏一作人來作公正事時加亥卯鳴

其上有士來說賊相殺事辰未為奸邪日時加辰未鳥


鳴其上王相長吏來刑奸詐休廢囚死口舌事時加寅

午鳴其上讜讓人說奸訟事時加巳酉鳴其上有酒食

陰私事時加丑戌鳴其上有吏捕姦邪私事時加申子
鳴其上有陰謀鬪爭劫盜事時加亥卯鳴其上有賊兵
劫申子為貪狼日時加申子鳥鳴其上王相有言羣盜
攻劫休廢囚死有盜賊事時加巳酉鳴其上有酒食攻
劫事時加寅午鳴其上有善人說攻劫事時加丑戌鳴
其上有文書追盜賊事時加辰未鳴其上有婦人說羣
賊事時加亥卯鳴其上有羣賊攻奪事亥卯為陰賊日
時加亥卯鳥鳴其上王相羣賊大戰休廢囚死有鬪事

時加巳酉鳴其上有酒食相傷事時加丑戌鳴其上有使逐
賊相傷事時加寅午鳴其上有婦人姦私相傷事時加辰未
鳴其上亦如之時加申子鳴其上賊自攻劫凡陰賊日有烏
鳴羣飛及飄風從四季上來時加四季皆為閉關搜索之事

運加占鳥情第一百九十一



鳥從子上來大將不可震威武敵來勿與戰必不利丑
上來者不宜出戰兵進戰內有陰謀將發細察備之寅
上來者吉音至卯上來者利進戰大將有祿慶之事辰
上來者有吉信至營六步忽見牛羊大吉見死物凶巳
上來者不利戰陣兩軍俱傷午上來不利出兵未上來
戰鬪主吉客凶申上來不利出兵酉上來利出兵有喜
戌上來吏士有異心潛備之亥上來不利戰此十二辰
位占鳥之情也常以恠字居甲上占之假令甲子旬即

在子上是也又若鳥從四散併來到營上居惡聲而止
住之者賊兵已入境矣急飛過者賊勇銳疾如雷電速
為之備但疾與戰我可以勝鷺鳥飛來將軍牙帳上搏
擊者有賊不可出戰三足鳥飛來營前後謂之灾飲鳥
也賊將來至營中者凶急備之赤鳥入營者防姦人刺
客羣鳥三三五五營上往來無聲而四散者吏士有逃
潰之心鶴鵲急來營上作巢而鳴速移營避之大水至
鳥至營按干蒙難者吏士謀大將即有禍速避之鳥鵲

忽來礮上作巢者吏士謀大將潛驗之方戰之時有白鳥狀如鷹鷂飛赴者赴敵者并力擊之大勝兆也自敵來赴我者亟急退軍勿戰

雜占鳥情第一百九十二

出師之日鳥于軍前逆飛者征無功在左則吉在右則凶逆軍而作惡聲查查者大凶兆也或從右發聲和順自大將後而過左復聲者大兵有慶之兆也鳥及相呼一作子者吉也鳥于軍前一足卓立地者進必一作不有

寇在枯卉上鳴者凶振迅疾飛視顧周陣而不止者前賊也烏來牙旗上立者急移營避之其地不祥烏立牙帳上作惡聲者有吏士潛謀逆速搜驗之必得奸狀烏來鼓角上鳴者將軍吏士心雄益奮也器械上鳴者即有戰陣也遠營而飛鳴者所來之處賊兵至也凡烏之來大將宜別令一人候之此皆能通天地鬼神之情者也

時加占烏情一百九十三

金 酉 兌
乾
坎 子 水
艮
震 卯 木
巽
離 午 火

登明方鳴者凶神后大吉功曹等方者大衝天罡太乙
方者勝光小吉傳送方者吉從魁河魁方者凶更看神
與月將相克假令登明是凶神在寅卯申酉即相生為
吉也假令傳送是吉神在寅卯巳午即相克為凶也他
皆倣此宜細認方位辯其吉凶

六甲占鳥情第一百九十四

六甲旬圖在第八卷
但以圖按其方可也

鳥在上 鳴者賊聞不來與戰大吉 鳴者合有吉音
無他戰陣 鳴者喜信之兆也 鳴者防慎在內當有

細人潛為賊應不然有謀叛者察防之 鳴者軍無他
戰 鳴者有賊信者當有戰陣 鳴者聞賊不來急備
之不利戰凶兆也 鳴者亦慎之或有小盜必殺之不
然當有大驚 鳴者防吏士亡遁 鳴者將有戰之事
主吉 鳴者有賊信者 鳴者防內有奸人潛為賊應
謹備之夫占鳥之法立營之地非鳥所巢而有鳥來鳴方
可論占若叢林羣鳥之所栖泊而嘲囂無常者不足占也

虎鈴經卷十九

欽定四庫全書

虎鈴經卷二十

宋 許洞 撰

誓文第一百九十五

祭毗沙門天王文第一百九十六

祭風伯雨師第一百九十七

祭山川神文第一百九十八

祭黃帝文第一百九十九

祭蚩尤文第二百

祭八神文第二百一

祭當境神文第二百二

禡牙旗神文第二百三

禡門旗文第二百四

禡五方旗文第二百五

禡六纛旗文第二百六

禡五兵文第二百七

禡馬文第二百八

鼙鼓文第二百九

誓文第一百九十五

有虞氏戒于國夏后氏誓于軍敵人誓于軍門之外周
人將交刃而誓所誓不同吾從周誓之誓曰惟天至仁
亭毒萬物其有逆于道德者激霆以震之惟神至幽游
息六氣其有淫于禍亂者潛靈以殛之惟王至明順卹
九服其有悖于教化者興師以察之此四主同條而共
貫也是知軍一作君天下者揮長戈以賓不臣未為不善

也滌穢滓以廣王化未為不嘉也今逆寇不庭亂常反德吾為天子恭行天討誓剪大憝決垂元功即出

一作即

函門已即敵境咨爾衆士用命賞于祖弗用命戮于社生死榮辱在是一舉勿使自躓為邦之羞爾其勉之勉之

祭毘沙門天王文第一百九十六

維年月日某官謹以香燭蔬菓祭于毘沙門天王惟天王神靈通暢威德奮震據大陰之正位降普天之妖魔

左手擎塔尊神顯于西土右手仗戈

一作戟

赫威游于

北方一舉而羣魔駭再舉而沙界裂目激電以日暗髮
聚藍而雲委卓犖萬古鬱稱元神今妖孽未除生靈塗
地凶聲逆氣溢天浮星皇帝命某帥領雄權剿戮羣黨
大勲未立壯心徒奮天王受佛法印廣揚神通尚能卷
大地于掌中納須彌于芥子今此小醜豈不能怯伏惟
降慈悲心救衆生苦開大神力神兵右迴左旋剪滅賊
衆脫苦惱于刀兵之劫發濟拯于風火之輪則某也虔

心皈依實在此日尚饗

祭風伯雨師文第一百九十七

年月日具官某謹以牲牢

一作羊

香酒之奠祭于風伯雨

師之神惟神箕畢之精陰陽之粹也動息無間遊潛太
虛大塊噫氣鼓天地以發籟飛龍在天合雲雷而作解
茫茫禹跡民其賴之今某出師有期惟靈是禡冀神陰
嘉一作佳祐以贊我師旅或則駕舟楫濟巨川神其施九
竅之怒號或則陟嶽岑歷險阻神其減十期之霧霈然

後蕩妖氛之氣如塵颺空掃克頑

一作妖

之血為波注海

大事苟濟敢忘玄貺尚饗

祭山川神文第一百九十八

年月日具官某謹以牲牢香酒之奠祭于山川當境之神始疏山濬川所以應天文裂地紀限中外宣風雨雷也惟神者必靈有祈者必應蓋山川為之府而神靈為之主也禍淫福善神其掌之故聖人列于典禮國家配於羣望所冀發善者之福祐殲不善之屍骨惟神景天

地之命為山川之靈監我懇誠贊我兵力使收功於須臾
史馘元惡于頃刻尚饗

祭黃帝文第一百九十九

年月日具銜某謹致祭于黃帝之神惟神天資懿睿首

弄兵戎

一作戍

敷演三才披攘九極陶精頤

一作積

粹凝立

曼古雖蹈述之不腆寔

一作實

伊聖之有作方今天人合

發中外稱忠隱幽干黃屋之尊告廟起白旄之命惟神

素章元聖開闢往世驅

一作馳

逐亮慝

一作逆

揄揚天功綿

歷千載

一作祀

光靈不泯陰垂嘉祐以贊我師旅收闢土

地誅鋤鯨鯢幽明合誠幸享多福尚饗

祭蚩尤文第二百

年月日具官某謹以致祭于蚩尤之神惟神雄材

一作才

自任命世特立卓絕萬古鬱為人豪在昔

一作官

炎靈不

御土

一作御

德丕熾公鄙自天之職纂即戎之緒足聳九

土手掉五兵而奮臂一呼四溟飛水瞪目再顧兩曜暗

光吁氣而煙霧蒸吹蟲

一作角

而風雨作金虎亦病神龍

亦屠然公之丙靈寶

一作寶

萬萬世不泯冀垂嘉祐贊衛

我師獲虜樹勲戴答

戴一作以

作貺尚饗

祭八神文第二百一

年月日具官某謹致祭于八方之神兩儀設象八卦成

文中合粹氣結為神靈聖君則之以奠萬民悠悠姦醜

敢有不賓逆天返道罹殃道迤吾今有告神順所聞天

門地戶人門鬼門震靈

一作雷

洞洞火靈煇煇水澤之神

聚類合鱗茫茫太白靈氣詵詵掃殄兇悖廓清妖氛

一作

氣明靈之神鑒之尚饗

祭當境神文第二百二

年月日具官某謹備酒牢奠祭于當境山川之神惟神
受天明命辨位司民禍淫福善神之恒德今姦醜肆暴
聚謀不軌污瀆我境土擄掠我生一作士庶尚未伏鎖授

一作誅報

首豈神禍淫之道耶俾我元戎肅壇命將提戈遠

征大憝未誅元勲未輯豈神福善之道耶今某虔統大
軍以涉靈境固當饗我血薦潛助其力贊應天之兵誅

悖道之寇則神正直之方于是乎在尚饗

禡牙旗文第二百二

年月日具官某謹禡于牙旗之神昊天有命澤祐元王

純精播祉玄德勝光蕞爾醜黨取

一作敢

謀亂常麇驚黔

首鼠嚙邊疆天子命我仗鉞專征耀我威武討彼不庭

嘗聞天地福謙鬼神害盈善終其祐惡殄其生咨爾

一作示

陰祗固將郊靈召太乙呼雷公馳白虎走青龍玄龜

鎮後朱雀前衝濯蕩狡寇掃除妖虹兵不血刃告厥成

功神其知之鑒茲予衷尚饗

禡門旗文第二百四

年月日具官某謹禡于門旗之神惟神奠兵作元揚靈
戎首闢向方之正位立凶器之宏規指顧師徒予實賴
汝今醜黨尚肆妖氛未清是致伐鼓建牙聲唬秉律藉
神陰祐俾建殊功誠宜磨五兵之虔比三軍之氣納邊
徼之地載扇華風鏖鯨鯢之屍盡為京觀神其聽之尚

饗

禡五方旗文第二百五

年月日某謹禡于五方旗之神惟神稟命昊穹實司所
職體國經野正位辨方前指則摧撲克頑當位則表列
師旅伊靈有用由古賴諸我國家自奠丕基遐宣惠政
鯨宵鼇柱總八極以天臨木口金鈴震九疆而雷動方
資廣被孰敢不賓何邊鄙之遊魂釁妖氛而背惠伊宗
既興於嘯聚在予載掌于車徒戎事有征馘元無爽冀
神垂祐陰贊六師奮朱雀以前驅命玄龜以後殿青旂

鼓蒼龍之氣素旌宣白虎之威黃龍鎮中為我軍主誠
宜內順指顧外威姦雄一揮而龍塞生塵窮兇罄覆載
鼓而狼居破膽敗寇靡奔掃大憝于陬隅耀殊勲于簡
牘廓清萬里藉神之靈尚饗

禡六纛旗文第二百六

年月日某謹禡于六纛之神夫行殺氣于北方表戎事
者大纛是故以黑為飾順其位也為君之表嚴其令也
師徒搏節右在于誠宣我大用威被元兇所當者皆摧

所指者皆靡則神順成之功斯亦至矣尚饗

禡五兵文第二百七

年月日某謹禡于五兵之神天道不諂助厥元王我作
五兵以征四方靈星為衆刃名大房角星示本弓名曲
張二宿主弩曰遠望熒惑主矢曰徬徨彼長戟名大將
賴參星而抑揚今則么麼聚臭孛彗騰光流血如水傷
骨成岡苟不剪滅孰為忠良咨爾五兵為天大刑大玄
之垂象方子之淳精順我動使以撲不庭明靈之神鑒


之尚饗

禡馬文第二百八

年月日某謹禡于馬神東方蒼龍實曰天駟考星史而
立象垂休觀大易則乾文取譬懿伊馬之用功為邦家
之大利何倥偬之邊陲聚克禡之黨類列旗幟而星蕃
掉戈矛而蝟起將耀武于三軍當載揚于六轡所賴者
穹昊儲禋明神効祉苟芻飲之叶宜庶陰靈之不昧尚
饗

鼙鼓文第二百九

年月日某謹鼙于鼓神三軍之威職在震動鼓旗之用
靈為鬼神塗血致誠古之常典以聲為度兵之令儀進
退周旋實在于爾用誠致饗神其鑒茲



虎鈴經卷二十